

**CENTRALNA BANKA  
BOSNE I HERCEGOVINE**  
Broj: 150-15-4-1121- 6 /20 MM  
Sarajevo, 22.04. 2020. godine

Na osnovu člana 69. stav (2) tačka d) i člana 70. stav (1) i (4) Zakona o javnim nabavkama („Službeni glasnik BiH“, 39/14), člana 50. stav (1) Pravilnika Centralne banke Bosne i Hercegovine, broj: UV-104-01-1-116/15 od 28. decembra 2015. godine, člana 43. stav (1) i člana 45. stav (1) Pravilnika o javnim nabavkama Centralne banke Bosne i Hercegovine, broj: UV-122-01-1-11/18 RJ od 30.01.2018. godine, guverner Centralne banke Bosne i Hercegovine, donosi

### **O D L U K U**

**o poništenju postupka javne nabavke robe – sredstva za dezinfekciju površina i ruku, putem pregovaračkog postupka bez objave obavještenja o nabavci**

#### **Član 1.**

Ovom odlukom poništava se postupak javne nabavke robe – sredstva za dezinfekciju površina i ruku, putem pregovaračkog postupka bez objave obavještenja o nabavci, procijenjene ukupne vrijednosti u iznosu od 13.500,00 KM, iz razloga jer pristigla ponuda ne ispunjava tražene uslove.

#### **Član 2.**

Za realizaciju ove odluke zadužuju se, Odjeljenje za javne nabavke Centralnog ureda Centralne banke Bosne i Hercegovine i Odjeljenje za računovodstvo i finansije Centralnog ureda Centralne banke Bosne i Hercegovine.

#### **Član 3.**

Ova odluka će se objaviti na web stranici Centralne banke [www.cbbh.ba](http://www.cbbh.ba), istovremeno sa upućivanjem obavještenja ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama („Službeni glasnik BiH“, broj: 39/14).

### **O b r a z l o ž e n j e**

Postupak javne nabavke robe – sredstva za dezinfekciju površina i ruku, putem pregovaračkog postupka bez objave obavještenja o nabavci, pokrenut je Odlukom o pokretanju postupka, broj: 150-15-4-1121-3/20 MM od 17.04.2020.godine.

U tenderskoj dokumentaciji određeni rok za prijem ponuda bio je 20.04.2020.godine do 12:30 h. U predviđenom roku za dostavljanje ponuda pristigla je jedna ponuda i to ponuda ponuđača EZ d.o.o. Busovača, Lugovski put bb, Kaćuni.

Komisija nadležna za provođenje postupka javne nabavke (u daljem tekstu: Komisija) je nakon izvršenog pregleda i ocjene ponude konstatovala sljedeće:

- ponuda ponuđača EZ d.o.o. Busovača, Lugovski put bb, Kaćuni ne zadovoljava uslove tražene tenderskom dokumentacijom iz razloga što dostavljena ponuda nije uvezana u skladu sa tačkom 2.1. tenderkse dokumentacije odnosno ne čini cjelinu jer ista nije uvezana na način da se onemogućiti naknadno vađenje ili umetanje listova. Naime ponuđač je u zatvorenoj koverti dostavio odvojene dokumente koji nisu uvezani i to:

- a) Prilog I - Izjava o ispunjenosti uslova iz člana 45. stav (1) tačka a) Zakona o javnim nabavkama („Službeni glasnik BiH broj: 39/14“) ovjerena od nadležnog organa i original Uvjerenje Općinskog suda u Travniku, broj: 051-0-R-Kr-20-000-076 od 20.04.2020. godine,
- b) Prilog II – Pismena izjava iz člana 52. Zakona o javnim nabavkama, ovjerena od strane nadležnog organa,
- c) Aktuelni izvod iz sudskog registra broj: 051-0-RegZ-19-001080 od 23.08.2019. godine, ovjeren od strane nadležnog organa,
- d) Prilog III - zahtjev za učešće, koji nije popunjen u skladu sa zahtjevima iz tenderske dokumentacije jer je u tački 2. kojom je traženo da ponuđač navede dokaze kvalifikacija isti naveo da dostavlja dokumente koji nisu traženi tenderskom dokumentacijom, a nije naveo dokumente koji su traženi tenderskom dokumentacijom,
- e) Prilog IV – obrazac za početnu cijenu ponude – korektorom je brisao dio iz obrasca za cijenu ponude,
- f) Prilog VI – obrazac za dostavu povjerljivih informacija – dostavio popunjen i potpisan.

Pored toga što ponuda nije uvezana, ista nije ni numerisana u skladu sa članom 8. stav (6) Uputstva za pripremu modela tenderske dokumentacije i ponuda (Sl. glasnik BiH broj: 90/14 i 20/15).

Komisija je shodno tome, u svom Zapisniku o pregledu i ocjeni ponuda broj: 149-15-4-1127-4/20 od 20.04.2020. godine i Izvještaju o radu Komisije sa Preporukom broj:149-15-4-1127-5/20 od 20.04.2020. godine, dala preporuku za donošenje odluke kao u dispozitivu.

#### **Pouka o pravnom lijeku:**

Protiv ove odluke može se u pisanoj formi uložiti žalba Centralnoj banci Bosne i Hercegovine u roku od 10 dana od dana prijema ove odluke.

  
**GUVERNER**  
**dr Senad Softić**  


Dostaviti:

- guverneru
- viceguvernerima
- uredu glavnog internog revizora
- sekretaru Uprave i Upravnog vijeća
- predsjedniku i članovima komisije
- Odjeljenju za računovodstvo i finansije (original)
- Odjeljenju za javne nabavke (original)
- u spis predmeta (original)